

# Mama Faol mo Ol Pikinini blong Hem

**I Kam long Breanna Call**  
(I kamaot long wan tru stori)

*Stori ia i hapen YSA.*

**F**aef yelo pikinini blong faol we oli gat fulap feta, oli stap lukluk i go antap long Clara. *!Pip, pip, pip!*

Evri springtaem, famli blong Clara oli pem ol pikinini faol blong lukaot long olgeta. Tedei hem i bin helpem papa blong tekem olgeta i go hom blong oli stap laef wetem ol narafala pikinini faol.

Rod we oli stap draev long hem i nogud mo mekem trak i stap jiamjiam. Be Clara i holem strong bokis we ol pikinini faol oli stap insaed long hem. Sloslo, hem i raprapem wan long olgeta wetem en blong fingga blong hem. *!Oli naes we!*

Taem we Clara mo papa i kasem haos, tufala i wokbaot i go long haos blong faol long biae long yad. Haos blong ol faol i wan smol haos we long ples ia, evri mama faol oli stap long hem mo mekem ol nes blong olgeta.

*"?Wijwan mama faol nao bae yumitu putum ol pikinini faol ia wetem hem?"* Papa i askem.

Clara i lukluk raon. Wan mama faol i stap hipimap ol gras tugeta. Ol gras bae i save mekem wan gudfala nes blong ol niufala pikinini blong faol. Mi ting se bae hem i wan gudfala mama faol.

*"Hemia,"* Clara i talem, taem i stap poen i go long mama faol ia.

Sloslo, papa i leftemap wan pikinini faol i kamaot long bokis mo putum narasaed long mama faol ia. Mama faol i lukluk long pikinini faol. Hem i leftemap wing blong hem, *!kwiktaem hem i ronwe!*

*"?Hem i go wea?"*

*?Pikinini faol ia i Oraet?"*

Clara i askem.

Papa i saksakem hed blong agri.

*"!Luk!"*

*"Jisas Kraes i tokbaot hemia insaed long ol skripja,"* Papa i talem.

Pikinini faol ia i stap pusumaot hed blong hem andanit long ol feta blong mama faol.

*?From wanem mama faol i mekem olsem?* Clara i askem.

*"Blong protekem pikinini faol,"* papa i talem. *"Bae hem i mekem se pikinini faol i stap sef mo stap wom andanit long ol wing blong hem."*

Clara i helpem papa blong putum ol narafala pikinini faol wetem niufala mama faol blong olgeta. Mama faol i leftemap tufala wing blong hem blong karem evriwan i kam kolosap tugeta.

*"Yu save, Jisas Kraes i bin tokbaot hemia insaed long ol skripja,"* papa i talem.

*"?Tru?"* Clara i askem. *"?Hem i bin talem wanem?"*

*"Bae mi soem long yu."*

Clara mo papa tufala i go insaed long haos. Papa i karem ol skripja blong hem i kam. Afta, hem i stat blong ridim.

*"Hamas taem bae mi karem yufala i kam olsem wan faol i karem ol pikinini blong hem andanit long ol wing blong hem, sapos yufala i sakem sin mo kambak long mi wetem ful stamba tingting blong hat."\**

Clara i tingting abaot wanwan long ol pikinini faol andanit long ol feta blong mama faol. *"?So, Jisas i tekem yumi kam tugeta olsem mama faol we i tekem ol pikinini faol andanit long ol wing blong hem?"* Clara i askem.

*"Hemia nao,"* papa i talem.

*"Hem i kipim yumi sef, semmak nomo olsem we mama faol i kipim ol pikinini faol oli sef. Be Hem i protekem yumi moa bitim taem we ples i kolkol. Hem i save taem we yumi harem nogud long bodi o sik o filim nogud. Hem i givim pis mo kamfot long yumi. Hem i kea long yumi."*

Long nekis moning, hem i fidim ol mama faol mo niufala pikinini faol blong hem. Hemia i mekem hem i tingbaot ol skripja we papa i bin ridim. Hem i smael taem hem i tingting abaot Jisas. Clara i save se Hem i lavem hem mo kea long hem olsem mama faol i kea long ol pikinini faol blong hem. ●

*\*3 Nifae 10:6*

**?Wanem nao Clara i lanem abaot Jisas Kraes?**